

KOMISIJA ZA VRIJEDNOSNE PAPIRE FEDERACIJE BOSNE I HERCEGOVINE

Na osnovu člana 11. tač 7. i 8., čl. 12. tač. 1, 16, 20, 22, 26. i 30, člana 14. stav 2. Zakona o Komisiji za vrijednosne papire ("Službene novine Federacije BiH", broj 39/98, 36/99 i 33/04), člana 170. stav 2, člana 171. stav 5. i člana 222. stav 2. Zakona o investicijskim fondovima ("Službene novine Federacije BiH", broj 85/08), u vezi sa članom 46. stav 2. Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj 83/09), Komisija za vrijednosne papire Federacije Bosne i Hercegovine, na 302. sjednici održanoj 3. februara 2011. godine, donijela je

PRAVILNIK

O USLOVIMA ZA OBAVLJANJE REVIZIJE FINANSIJSKIH IZVJEŠTAJA INVESTICIJSKIH FONDOVA

Član 1.

Ovim Pravilnikom propisuju se uslovi koje moraju ispunjavati revizorska društva koja pružaju uslugu revizije finansijskih izvještaja za investicijske fondove.

Član 2.

- (1) Za pružanje usluge revizije finansijskih izvještaja investicijskih fondova, revizorsko društvo mora biti uvršteno na Listu revizorskih društava za investicijske fondove (u daljnjem tekstu: Lista) koju uspostavlja Komisija za vrijednosne papire Federacije Bosne i Hercegovine (u daljnjem tekstu: Komisija) i koja se objavljuje na internet stranici Komisije.
- (2) Da bi revizorsko društvo bilo uvršteno na Listu potrebno je da Komisiji dostavi prijavu, sa sljedećom dokumentacijom i dokazima:
 - a) ovjerenu kopiju sudske registracije sa podacima o visini kapitala i vlasnicima i njihovom učešću u kapitalu društva,
 - b) ovjerena kopija važeće licence za rad društva za reviziju,
 - c) listu uposlenih ovlaštenih revizora sa važećom licencom, od kojih najmanje jedan treba imati uvjerenje o položenom ispitu za investicijskog savjetnika,
 - d) dokaz o osiguranju odgovornosti za štetu u skladu sa članom 50. stav 8. Zakona o računovodstvu i reviziji u Federaciji Bosne i Hercegovine i
 - e) dokaz o uplati naknade Komisiji u skladu sa važećom Odlukom o tarifi naknada.

Član 3.

- (1) O svakoj promjeni podataka dostavljenih uz prijavu za uvrštavanje na Listu, revizorsko društvo dužno je obavijestiti Komisiju u roku od sedam dana od dana kada se promjena desila.
- (2) Revizorsko društvo uvršteno na Listu dužno je kontinuirano ispunjavati propisane uslove i godišnje obnavljati prijavu iz člana 2. ovog Pravilnika.

Član 4.

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-02-256/11
3. februara 2011. godine
Sarajevo

Predsjednik
Komisije za vrijednosne papire
Federacije Bosne i Hercegovine
Mr. **Hasan Ćelam**, s. r.

KOMISIJA ZA VRIJEDNOSNE PAPIRE FEDERACIJE BOSNE I HERCEGOVINE

Na temelju članka 11. toč 7. i 8., čl.12. toč. 1,16, 20, 22, 26. i 30, članka 14. stavak 2. Zakona o Komisiji za vrijednosne papire ("Službene novine Federacije BiH", broj 39/98, 36/99 i 33/04), članka 170. stavak 2., članka 171. stavak 5. i članka 222. stavak 2. Zakona o investicijskim fondovima ("Službene novine Federacije BiH", broj 85/08), u s vezi sa člankom 46. stavak 2. Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj 83/09), Komisija za vrijednosne papire Federacije Bosne i Hercegovine, na 302. sjednici održanoj 3. veljače 2011. godine, donijela je

PRAVILNIK

O UVJETIMA ZA OBAVLJANJE REVIZIJE FINACIJSKIH IZVJEŠĆA INVESTICIJSKIH FONDOVA

Članak 1.

Ovim Pravilnikom propisuju se uvjeti koje moraju ispunjavati revizorska društva koja pružaju uslugu revizije finacijskih izvješća za investicijske fondove.

Članak 2.

(1) Za pružanje usluge revizije finacijskih izvješća investicijskih fondova, revizorsko društvo mora biti uvršteno na Listu revizorskih društava za investicijske fondove (u daljnjem tekstu: Lista) koju uspostavlja Komisija za vrijednosne papire Federacije Bosne i Hercegovine (u daljnjem tekstu: Komisija) i koja se objavljuje na internet stranici Komisije.

(2) Da bi revizorsko društvo bilo uvršteno na Listu potrebno je da Komisiji dostavi prijavu, sa sljedećom dokumentacijom i dokazima:

- a) ovjerenu presliku sudske registracije sa podacima o visni kapitala i vlasnicima i njihovom sudjelovanju u kapitalu društva,
- b) ovjerena preslika važeće licence za rad društva za reviziju,

- c) listu uposlenih ovlaštenih revizora sa važećom licencom, od kojih najmanje jedan treba imati uvjerenje o položenom ispitu za investicijskog savjetnika,
- d) dokaz o osiguranju odgovornosti za štetu sukladno članku 50. stavak 8. Zakona o računovodstvu i reviziji u Federaciji Bosne i Hercegovine i
- e) dokaz o uplati naknade Komisiji sukladno važećoj Odluci o tarifi naknada.

Članak 3.

- (1) O svakoj promjeni podataka dostavljenih uz prijavu za uvrštavanje na Listu, revizorsko društvo dužno je obavijestiti Komisiju u roku od sedam dana od dana kada se promjena desila.
- (2) Revizorsko društvo uvršteno na Listu dužno je kontinuirano ispunjavati propisane uvjete i godišnje obnavljati prijavu iz članka 2. ovog Pravilnika.

Članak 4.

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-02-256/11
3. veljače 2011. godine
Sarajevo

Predsjednik
Komisije za vrijednosne papire
Federacije Bosne i Hercegovine
Mr. **Hasan Čelam**, v. r.